

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасын бекіту туралы

Күшін жойған

Қазақстан Республикасы Құрылыс және тұрғын үй-коммуналдық шаруашылық істері агенттігі Төрағасының 2011 жылғы 05 желтоқсандағы № 471 Бұйрығы. Қазақстан Республикасы Әділет министрлігінде 2012 жылы 6 ақпанда № 7412 тіркелді. Күші жойылды - Қазақстан Республикасы Индустрия және инфрақұрылымдық даму министрінің м.а. 2019 жылғы 31 желтоқсандағы № 958 бұйрығымен.

Ескерту. Күші жойылды – ҚР Индустрия және инфрақұрылымдық даму министрінің м.а. 31.12.2019 № 958 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

"Тұрғын үй қатынастары туралы" Қазақстан Республикасының 1997 жылғы 16 сәуірдегі Заңының 10-2-бабының 10-3) тармақшасына сәйкес **БҰЙЫРАМЫН:**

1. Қоса беріліп отырған Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасы бекітілсін.

2. Тұрғын үй шаруашылық департаменті Қазақстан Республикасы Әділет министрлігінде мемлекеттік тіркеуден өткен соң осы бұйрықты бұқаралық ақпарат құралдарында ресми жариялауды қамтамасыз етсін.

3. Осы бұйрықтың орындалуын бақылау Қазақстан Республикасы Құрылыс және тұрғын үй-коммуналдық шаруашылық істері агенттігі төрағасының орынбасары Н.П. Тихонюкке жүктелсін.

4. Осы бұйрық алғашқы ресми жарияланған күнінен бастап күнтізбелік он күн өткен соң қолданысқа енгізіледі.

Төраға

С. Нокин

КЕЛІСІЛГЕН

Қазақстан Республикасы

Еңбек және халықты

әлеуметтік қорғау министрі

Г. Әбдіқалықова _____

2011 жылғы 14 желтоқсан

КЕЛІСІЛГЕН

Қазақстан Республикасы

Ауыл шаруашылығы министрі

А. Мамытбеков _____

2011 жылғы 22 желтоқсан

КЕЛІСІЛГЕН

Қазақстан Республикасы

Статистика агенттігінің төрағасы

А. Смаилов _____

2012 жылғы 9 қаңтар

Қазақстан Республикасы
Құрылыс және тұрғын
үй-коммуналдық шаруашылық
істері агенттігінің
2011 жылғы 05 желтоқсандағы
№ 471 бұйрығымен
бекітілген

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасы

1. Жалпы ережелер

1. Осы Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеудің қағидасы (бұдан әрі – Қағида) "Тұрғын үй қатынастары туралы" Қазақстан Республикасының 1997 жылғы 16 сәуірдегі Заңына және Қазақстан Республикасы Үкіметінің 2009 жылғы 30 желтоқсандағы № 2314 қаулысымен бекітілген Тұрғын үй көмегін көрсету ережесіне сәйкес әзірленді және тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу тәртібін белгілейді.

2. Тұрғын үй көмегін алуға үміткер отбасының (азаматтың) жиынтық табысын есептеу тәртібі

2. Тұрғын үй көмегін алуға үміткер отбасының (азаматтың) жиынтық табысын тұрғын үй көмегін тағайындауды жүзеге асыратын уәкілетті орган есептейді.

Отбасының (азаматтың) жиынтық табысын есептеу кезінде оның құрамында бірге тұратын, ортақ шаруашылықты жүргізетін және тұрғылықты жері бойынша бір елді мекенде тіркелген отбасының барлық мүшелері ескеріледі.

3. Отбасының (азаматтың) жиынтық табысына осы Қағиданың 10-тармағында көрсетілген әлеуметтік төлемдерді қоспағанда, алдыңғы тоқсанда тұрғын үй көмегін алуға өтініш берген тоқсанның алдындағы тоқсандағы (бұдан әрі – есептік кезең) табыстың барлық түрлері есептеледі.

4. Есепті кезеңде құрамында өзгерістер болған отбасының (азаматтың) жиынтық табысын есептеу кезінде, отбасының келген мүшесінің табысы келген күнінен бастап есепке алынады. Есепті кезеңде отбасының мүшесі кеткен кезде отбасының жиынтық табысы кеткен күнінен бастап отбасының кеткен мүшесіне келетін орта есеппен жан басына шаққандағы табыс шегеріле отырып есептеледі.

5. Отбасының орта есеппен жан басына шаққандағы табысы есепті кезеңдегі отбасының (азаматтың) жиынтық табысын көрсетілген кезеңдегі айлардың санына бөлу жолымен есептеледі.

6. Шетелдік валютада алынған табыс Қазақстан Республикасының Ұлттық Банкі белгілеген, осы табыс алынған күнгі нақты бағам бойынша ұлттық валютаға қайта есептеледі.

7. Зат түрінде алынған табыстар отбасының (азаматтың) жиынтық табысында өтініш берушінің алған табысы туралы мәліметтерде көрсеткен ақшалай баламасымен есептеледі.

8. Өтініш беруші толық емес немесе дұрыс емес мәліметтер ұсынған кезде отбасының (азаматтың) жиынтық табысы есептелмейді.

Өтініш беруші тұрғын үй көмегін заңсыз тағайындауға алып келетін толық емес немесе дұрыс емес мәліметтер ұсынған кезде өтініш иесі мен оның отбасына тұрғын үй көмегін көрсету тоқтатылады.

9. Отбасының (азаматтың) жиынтық табысын есептеу кезінде Қазақстан Республикасында және одан тыс жерлерде есепті кезеңде алынған табыстың барлық түрлері есепке алынады:

- 1) еңбекақы, әлеуметтік төлемдер түрінде алынатын табыс;
 - 2) кәсіпкерлік және басқа да қызмет түрлерінен түсетін табыс;
 - 3) балаларға және басқа да асырауындағыларға алимент түріндегі табыс;
 - 4) жеке қосалқы шаруашылықтан – мал мен құс ұстауды, бағбандықты, бақша өсіруді қамтитын үй жанындағы шаруашылықтан түсетін табыс;
 - 5) осы Қағиданың 33-тармағында көрсетілген өзге де табыстар.
10. Отбасының (азаматтың) жиынтық табысын есептеу кезінде:

- 1) жерлеуге берілген біржолғы жәрдемақы;
- 2) тұрғын үй көмегі;
- 3) төтенше жағдайлар салдарынан денсаулығы мен мүлкіне келтірілген зиянның өтемақысы;
- 4) бала тууына байланысты берілген біржолғы мемлекеттік жәрдемақы;
- 5) білім беру саласында Қазақстан Республикасының заңнамасында сәйкес табысы аз отбасылардың оқушыларына білім беру мекемелерінде көрсетілетін қаржылай және материалдық көмек;
- 6) Қазақстан Республикасының заңнамасында сәйкес азық-түлік өнімдері бағасының қымбаттауына байланысты мемлекеттік бюджеттен және өзге де көздерден ақшалай және зат түрінде көрсетілген көмек;
- 7) "Бота" Қоғамдық қорынан берілетін шарттастырылған ақшалай жәрдемақы ;
- 8) Қазақстан Республикасы Салық кодексінің 155-бабы 3-тармағының 1) тармақшасына сәйкес басқа да табыстар жеке адамның табысы түрінде қаралмайды және есепке алынбайды.

11. Отбасының (азаматтың) жиынтық табысын есептеу кезінде еңбекақы төлемдері түрінде алынатын табыс есепке алынады (10-тармақта көрсетілгендерді қоспағанда):

- 1) жұмыс беруші еңбекақы ретінде есептеген, атап айтқанда:
 - жалақының барлық түрлері, оның ішінде кесімді, мерзімді, сондай-ақ ақшалай және заттай нысандағы сыйлықақылар, қосымша ақылар, үстеме ақылар (жалақысы сақталатын кезеңге Қазақстан Республикасының заңнамасына сәйкес қызметкерге төленетін ақшалай соманы қоса алғанда, қаржыландыру көзіне қарамастан);
 - демалыс уақытында сақталатын жалақы, сондай-ақ пайдаланылмаған еңбек демалысы үшін ақшалай өтемақы;
 - ұйым (заңды тұлға) таратылған немесе жұмыс берушінің (жеке тұлғаның) қызметі тоқтатылған, қызметкерлер саны немесе штаты қысқартылған жағдайларда, еңбек шартының бұзылуы кезінде, Қазақстан Республикасының еңбек заңнамасында белгіленген мөлшерде төленетін өтемақылар;
 - уақытша, маусымдық және қоғамдық жұмыстарды орындау кезеңіндегі жалақы;
 - сақтандыру агенттері мен брокерлерге төленетін комиссиялық сыйақы;
 - бала туғанда және жерлеуге берілетін жәрдемақылардан басқа, жалақы есептеу кезінде ескерілмейтін және ұйым қаражатының есебінен төленетін басқа да төлем түрлері;
 - мерзімді қызметтегі әскери қызметшілердің ақшалай үлесін қоспағанда, әскери қызметшілердің, оның ішінде келісімшарт бойынша қызмет өткеріп

жүргендердің және ішкі істер органдарының қатардағы және басшы құрамдағы адамдарының, сондай-ақ соларға теңестірілген азаматтар санаттарының үстемеақылар мен қосымша ақылар ескерілген ақшалай үлесі;

жалдау бойынша төленетін еңбекақы;

2) әлеуметтік төлемдер түрінде есептелген, атап айтқанда:

Зейнетақы және әлеуметтік қамтамасыз ету саласындағы Қазақстан Республикасының заңнамасында белгіленген тағайындалған зейнетақылардың барлық түрлері, оларға өтемақы төлемдері;

мүгедектігі бойынша, асыраушысынан айырылу жағдайы бойынша және жасына байланысты берілетін мемлекеттік әлеуметтік жәрдемақылар;

арнаулы мемлекеттік жәрдемақылар;

жерасты және ашық кен жұмыстарында, сондай-ақ еңбек жағдайлары ерекше зиянды және ерекше ауыр жұмыстарда істеген адамдарға берілетін мемлекеттік арнайы жәрдемақылар;

мемлекеттік әлеуметтік сақтандыру қорынан төленетін әлеуметтік төлемдер;

бала бір жасқа толғанға дейін оның күтіміне берілетін мемлекеттік жәрдемақылар;

атаулы әлеуметтік көмек;

үйде тәрбиеленетін және оқитын мүгедек балаларды материалдық қамсыздандыру;

қаржыландыру көзіне қарамастан, оқушыларға, студенттерге, аспиранттарға, докторанттарға, оқу орындарының басқа да тыңдаушыларына төленетін шәкіртақы;

жұмыс берушінің қаражаты есебінен берілетін, еңбекке уақытша жарамсыздық жөніндегі әлеуметтік жәрдемақы;

бірінші, екінші топтағы жалғыз басты, бөгде адамның көмегіне мұқтаж мүгедектердің мемлекеттік әлеуметтік жәрдемақыларына қосылатын күтімге арналған қосымша үстемеақылар мен жергілікті мемлекеттік басқару органдарының шешімі бойынша бюджеттен берілетін басқа да тұрақты төлемдер;

жергілікті бюджеттердің қаражаты есебінен көрсетілетін, қалаішілік қоғамдық көлікте жүруге берілетін материалдық (әлеуметтік) көмек;

берілетін заттай көмек түрлерінің құны, сондай-ақ осы көмектің орнына төленетін сома;

барлық төлем түрлеріне өзге де үстемеақылар мен қосымша ақылар.

12. Отбасының (азаматтың) жиынтық табысының құрамына Қазақстан Республикасының заңнамалық актілеріне сәйкес қызметкер еңбек (қызметтік) міндеттерін атқару кезінде оның өмірі мен денсаулығына зиян келтіргені үшін төленетін біржолғы төлемдер мен ай сайынғы сомалар қосылады.

13. Есепті кезеңнен асып түсетін кезеңнің табысы бір мезгілде алынған кезде (оның ішінде жалақы, зейнетақы, жәрдемақылар, алимент және өзге де төлемдер бойынша берешектер), алынған табыс, сол табыс алынған айлардың санына бөлінеді және есепті кезеңге келетін айлардың санына көбейтіледі.

Жұмысты азаматтық-құқықтық шарт бойынша (мердігерлік және басқа) орындайтын отбасының (азаматтың) табысы шарт қолданылатын бүкіл кезеңге қосылады. Алынған табыс жұмысты орындау үшін шартта көзделген айлардың санына бөлінеді және есепті кезеңге келетін айлардағы отбасының (азаматтың) жиынтық табысында есепке алынады.

14. Азаматтық-құқықтық шарттар бойынша, оның ішінде ғылым, әдебиет, өнер және өзге де қызмет түрлері туындыларын және т.б. жасауға, шығаруға, орындауға немесе өзге де пайдалануға алынған, осы шарт есебіне аванспен төленетін сыйақылар аванс берудің бүкіл кезеңіне (ай сайын теңдей үлеспен) есепке алынады, ал қалған сома шарттың аванс бергеннен кейінгі қолданылу кезеңіне (ай сайын теңдей үлеспен) есепке алынады.

15. Авторлық сыйақылар (шарттар болмаған кезде), сондай-ақ жаңалық ашқаны, өнертабыстары мен рационализаторлық ұсыныстары үшін сыйақылар отбасының (азаматтың) жиынтық табысына сыйақы сомасын ол алынған айлардың санына бөлуден алынған үлес мөлшерінде қосылады және есепті кезеңге келетін айлардың санына көбейтіледі.

16. Еңбекақы, әлеуметтік төлемдер түрінде алынған табыс олардың мөлшері туралы анықтамалармен расталады.

Республикалық бюджет қаражаты есебінен берілетін әлеуметтік төлемдер түрінде табыс алуы зейнетақы немесе жәрдемақы алушы куәлігінің көшірмесімен не Зейнетақы төлеу жөніндегі мемлекеттік орталықтың бөлімшелері беретін анықтамамен расталады.

17. Отбасының (азаматтың) жиынтық табысын есептеу кезінде кәсіпкерліктен және басқа да қызмет түрлерінен түсетін табыстар:

- 1) өнімді (жұмыстарды, қызметтерді) сатудан;
- 2) тауарлық-материалдық құндылықтарды, мүлікті сату кезіндегі құн өсімінен ;
- 3) шаруа (фермер) қожалығы қызметінің нәтижесінде және шартты жер үлесі мен мүлік жарнасынан алынған;
- 4) өзін-өзі жұмыспен қамтудан түскен табыс есепке алынады.

18. Жекелеген азаматтарда жұмыс істейтін адамдар жалақысын шарттың көшірмесімен, жалға алушының анықтамасымен растайды.

Жекелеген азаматтарда шарт жасаспай жұмыс істейтін отбасының (азаматтардың) жиынтық табысы олардың өтініштері негізінде расталады.

19. Өзін-өзі жұмыспен қамтыған халықтың табысы жазбаша өтінішпен расталады.

20. Кәсіпкерлік қызметпен арнаулы салық режимі жағдайында айналысатын адамдардың табысы біржолғы талон, патент, оңайлатылған декларация негізінде расталады.

Шаруа (фермер) қожалығы қызметінің нәтижесінде алынған табысты қоса алғанда, ресми расталмаған табыс әрбір жұмыс істеушіге шаққанда ең төмен жалақыдан кем емес мөлшерде есепке алынады.

21. Отбасының (азаматтың) жиынтық табысының құрамына Балаларға және басқа да асырауындағыларға алименттер жиынтық табыс құрамында есепке алынады.

Алименттер, сондай-ақ алимент төлеушінің жалақысын қайта есептеуге байланысты алынған алименттің қосымша сомасы, отбасының (азаматтың) жиынтық табысында олардың алынған уақыты бойынша есепке алынады.

22. Адамның тұрғылықты жері туралы мәліметтердің болмауы себебінен алимент өндіріп алуға мүмкіндігі болмаған жағдайда, отбасының жиынтық табысы көрсетілген адамның іздеуде жүргені туралы құжаттар қоса берілген жазбаша өтініш негізінде есептеледі.

23. Отбасының (азаматтың) жиынтық табысы, төлеуші:

1) жұмыс істемейтін және жұмыспен қамту орғанда жұмыссыз ретінде тіркелген (анықтама ұсынған кезде);

2) бас бостандығынан айыру орындарында не уақытша ұстау изоляторында болған (балаларға алимент аударылмайтыны туралы, бас еркінен айыру орындарында не уақытша ұстау изоляторында болу кезеңі көрсетілген сот орындаушысының немесе түзеу мекемесінің анықтамасын ұсынған кезде);

3) туберкулез, психоневрологиялық, онкологиялық диспансерлерде (стационарларда), емдік-еңбек профилакторийінде емдеуде жүрген немесе есепте тұрған (тиісті медициналық ұйымдардан анықтама ұсынған кезде);

4) Қазақстан Республикасы тиісті келісім жасаспаған мемлекеттерге тұрақты тұруға кеткен, Қазақстан Республикасы азаматтарының тіркеуінен шығарылғанын растайтын, әділет органдары беретін анықтама негізінде;

5) наркологиялық диспансердің анықтамасымен немесе учаскелік комиссияның қорытындысымен расталған, спиртті ішімдіктерді, есірткі заттарын құмарлықпен салынып пайдалануына байланысты балалары мен басқа да асырауындағыларды асыраудан жалтарған жағдайда, алиментті есепке алмай есептеледі.

24. Егер ата-анасының арасында неке бұзылмай, жұбайлардың біреуінен алимент өндіріп алынса, осы жұбайы отбасымен бірге тұрған кезде оның табысы отбасының (азаматтың) жиынтық табысында толық есепке алынады. Жұбайлар

бөлек тұрған жағдайда, отбасының (азаматтың) жиынтық табысында алимент есепке алынады.

25. Балаларға және басқа да асырауындағыларға алынған алимент, аударылған алимент туралы жұмыс берушінің анықтамаларымен не алынған алимент туралы почта аударымдарының түбіртегімен, сондай-ақ сот органдарының алимент өндіріп алу туралы шешімі қоса берілген жазбаша өтініш негізінде расталады. Алимент бойынша 3 айдан асатын кезең үшін берешек пайда болғанда, сот орындаушысының алимент бойынша берешекті айқындау туралы анықтамасы ұсынылады.

26. Жеке қосалқы шаруашылықтан түскен табыс, отбасының (азаматтың) жиынтық табысының құрамына қосылады.

Отбасының (азаматтың) жиынтық табысында есепке алынатын жеке қосалқы шаруашылықтан, ауыл шаруашылығы өнімдерін өсіруден, мал мен құс ұстаудан және өсіруден алынған табыс осы Қағидаға 1-9-қосымшаларға сәйкес өтініш берушінің жеке қосалқы шаруашылығының болуы туралы мәліметтерінің негізінде есептеледі.

Нормативтік кәртiшкелерде келтірілген (осы Қағидаға 2-7-қосымшалар) орташа түсімді (өнімділікті), өндірістік шығыстардың орташа деңгейін, сондай-ақ жеке қосалқы шаруашылықтан түскен табысты есептеу үшін пайдаланылатын бағаларды облыстың (республикалық маңызы бар қаланың, астананың) жергілікті атқарушы органдары өңірлердің ерекшеліктерін ескере отырып, түзетеді.

Жеке қосалқы шаруашылықта өсірілген гүл өнімдерін сатудан, сондай-ақ терісі бағалы аңдар, ара, құс (тауық, қаз, үйректен басқа) өсіруден алынған табыс отбасының жиынтық табысына өтініш берушінің жазбаша өтінішінің негізінде қосылады.

27. Бір сотка жерден (бір бастан) өндірілген өнімнің құны өсірілетін дақылдың орташа түсімін (жеке қосалқы шаруашылықта ұсталатын мал мен құстың орташа өнімділігін) 1 кг өнімнің орташа бағасына көбейту жолымен айқындалады.

Табысты, шығынды айқындау үшін бір сотка жер (бір бас) өндірілген өнімнің құнынан (осы Қағидаға 2-7-қосымшалар) шығысының орташа деңгейі шегеріледі. Алынған мөлшер он екі айға бөлінеді және есепті кезеңдегі айлар санына көбейтіледі.

28. Табысты есептеу үшін облыста (республикалық маңызы бар қалада, астанада) өсімдік және мал шаруашылығы өніміне қалыптасқан, облыстық жұмыспен қамтуды үйлестіру және әлеуметтік бағдарламалар басқармалары, республикалық маңызы бар қаланың, астананың жұмыспен қамту және әлеуметтік бағдарламалар басқармалары тиісті жылға арналған Статистикалық

жұмыстар жоспарында көздеген мерзімдерде мемлекеттік статистика органдарынан белгіленген тәртіппен алынған, өткен күнтізбелік жылғы орташа жылдық бағалар пайдаланылады.

29. Өнім бермейтін (жас) жастағы үй малынан, құсынан (осы Қағидаға 8-қосымша) алынған табыс, есепті кезеңде оны сыйлаған немесе іске асырған (сату, сою) жағдайда ғана, тиісті жылға арналған Статистикалық жұмыстар жоспарында көзделген мерзімде, мемлекеттік статистика органдарынан белгіленген тәртіппен алынған, оны сыйлаған немесе іске асырған (сату, сою) тиісті айда нарықта қалыптасқан бағалар бойынша есепке алынады.

Малды (құсты) есепті кезеңде іске асыру кезінде отбасының жиынтық табысына тиісті іске асырған айда нарықта қалыптасқан, тиісті жылға арналған Статистикалық жұмыстар жоспарында көзделген мерзімде мемлекеттік статистика органдарынан белгіленген тәртіппен алынған бағалар бойынша біржолғы табыс қосылады.

30. Отбасының жиынтық табысы жұмыс малы (жылқы, түйе және басқалары) мен бір жыл ішінде төлдемеген малдан (мәселен, қысыр сиыр) түскен табыс ескерілмей есептеледі. Жеке қосалқы шаруашылықта көрсетілген мал бір жылдан астам ұсталса, табыс ет бағытындағы малдан түскен табыс ретінде есепке алынады.

31. Жеке қосалқы шаруашылықтан түсетін табысты есептеуді уәкілетті орган өтініш берушінің мәліметтері негізінде жеке нормативтік кәртiшкеде (осы Қағидаға 9-қосымша) рәсімдейді.

32. Жеке қосалқы шаруашылықтан түсетін табысты есептеу кезінде ауданның (облыстық маңызы бар қаланың) жергілікті атқарушы органдары өңірлердің ерекшеліктерін ескере отырып, нормативтік кәртiшкеде көрсетілген (осы Қағидаға 2-7-қосымшалар) тиісті орташа көрсеткіштерден төмен, осы өңірдегі өнімділік және түсімділік көрсеткіштері бойынша және жиынтық табыс рұқсат етілген шекті көлемнен аспаған жағдайда, үй малын, құсты және жер телімінде (үй жанындағы учаске, саяжай және жер үлесі) өсірілетін ауыл шаруашылық дақылдарының түрлерін кіріс бермейтіндер деп белгілейді.

Рұқсат етілген шекті көлем ауданның (облыстық маңызы бар қаланың) жергілікті өкілетті органдарымен алдын ала келісуден кейін өткен тоқсанда қалыптасқан ең төмен күнкөріс деңгейінің еселенуімен белгіленеді.

33. Отбасының (азаматтың) жиынтық табысын есептеу кезінде мынадай өзге де табыстар:

- 1) жылжымайтын мүлікті және көлік құралдарын жалға беруден (жалдаудан) және сатудан;
- 2) бағалы қағаздардан;
- 3) шетелдік валютаны өткізуден;

4) асыл тастар мен бағалы металдарды, олардан жасалған зергерлік бұйымдарды және құрамында асыл тастар мен бағалы металдар бар басқа да заттарды, сондай-ақ өнер туындыларын және антиквариатты сатудан;

5) авторлық сыйақы түріндегі;

6) жылжымайтын мүлікті, көлік құралдарын және басқа да мүлікті сыйға тарту, мұрагерлікке алу түрінде алынған;

7) несиені (шағын несиені) пайдаланудан;

8) қайтарымсыз алынған ақша түрінде;

9) ақша салымдары және депозиттер бойынша сыйақы (мүдде) түрінде;

10) ақшалай аударымдар түрінде;

11) конкурстарда, жарыстарда (олимпиадаларда), фестивальдарда, салымдар мен борышкерлік бағалы қағаздар бойынша ұтыстарды қоса алғанда, лотереяларда ақшалай және (немесе) заттай түрдегі ұтыстар;

12) туысқандарының және басқа да адамдардың ақшалай және заттай көмегін қоса алғанда, мәлімделген өзге де табыстар есепке алынады.

Көрсетілген табыс алынған уақыты бойынша есепке алынады және жазбаша өтінішпен расталады.

34. Жылжымайтын мүлікті немесе көлік құралдарын жалға беруден (жалдаудан) алынған табыс мүлікті жалға беру шартының көшірмесімен расталады.

Мүлікті жалға беру (жалдау) шарты болмаған жағдайда, мүлікті немесе көлік құралдарын жалға беруден түскен табыс өтініш берушінің өтінішінде көрсетілген, бірақ айына ең төмен жалақыдан кем емес мөлшерде есепке алынады.

35. Өтініш иесі көрсеткен, жылжымайтын мүлікті немесе көлік құралдарын сатудан алынған табыс сатып алу-сату шартының көшірмесімен расталып, он екі айға бөлінеді және оның тиісті бөлігі есепті кезеңдегі отбасының (азаматтың) жиынтық табысында жалпы жиынтық табысқа қосылады.

Басқа жылжымайтын мүлікті және көлік құралдарын сатып алған жағдайда, жылжымайтын мүлікті және көлік құралдарының құны мен сатудан түскен сома арасындағы айырма отбасының (азаматтың) жиынтық табысында есепке алынады.

3. Мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу тәртібі

36. "Тұрғын үй қатынастары туралы" Қазақстан Республикасы Заңының 68-бабының 1-1) – 11) тармақшаларында көрсетілген мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган

жалдаған тұрғын үйді алуға үміткер отбасының (азаматтың) жиынтық табысын " Тұрғын үй қатынастары туралы" Қазақстан Республикасы Заңының 71-бабына сәйкес жергілікті атқарушы орган есептейді.

37. Коммуналдық тұрғын үй қорынан тұрғын үйлер немесе жеке тұрғын үй қорынан жергілікті атқарушы орган жалдаған тұрғын үйлер, тұрғын үйге мұқтаж, егер өтініш жасаудың алдында соңғы он екі ай ішінде жиынтық орташа айлық табысы отбасының әрбір мүшесіне республикалық бюджет туралы заңда тиісті қаржы жылына белгіленген ең төменгі күнкөріс деңгейінің 3,1 еселенген мөлшерінен төмен болса, осы Қағиданың 36-тармағында көрсетілген отбасылардың (азаматтарының) пайдалануына беріледі.

Ең төменгі күнкөріс деңгейінің 3,1 еселенген мөлшеріндегі коэффициент жетім балаларға, ата-анасының қамқорлығынсыз қалған балаларға және мүгедек балаларға қолданылмайды.

38. Отбасының әрбір мүшесі үшін жан басына шаққандағы орташа табыс өтініш жасаудың алдында соңғы он екі ай ішінде отбасының жиынтық табысын айлардың санына және отбасы мүшелерінің санына бөлу арқылы есептеледі.

39. Отбасының (азаматтың) жиынтық табысын есептеу кезінде Қазақстан Республикасында және одан тыс жерлерде есепті кезеңде алынған табыстың барлық түрлері есепке алынады:

- 1) еңбекақы, әлеуметтік төлемдер түрінде алынатын табыс;
- 2) кәсіпкерлік және басқа да қызмет түрлерінен түсетін табыс;
- 3) балаларға және басқа да асырауындағыларға алимент түріндегі табыс.

40. Мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу осы Қағиданың 4, 6, 10-13 16-25-тармақтарына сәйкес жүзеге асырылады.

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
1-қосымша

Қазақстан Республикасының табиғи жағдайы бойынша әкімшілік-аумақтық аудандардың тізбесі

Облыс	Аудан, қала
1. Дала аймағы	

Солтүстік Қазақстан	1. Айыртау 2. Ақжар 3. Мағжан Жұмабаев 4. Есіл 5. Жамбыл 6. Қызылжар 7. Мамлют 8. Шал ақын 9. Аққайың 10. Тайынша 11. Тимирязев 12. Уәлиханов 13. Ғабит Мүсірепов Петропавл қаласы
Ақмола	1. Еңбекшілдер 2. Зеренді 3. Щучье 4. Сандықтау 5. Бұланды 6. Ақкөл 7. Ерейментау 8. Жақсы Көкшетау қаласы Степногор қаласы
Қостанай	1. Қарабалық 2. Федоров 3. Меңдіқара 4. Ұзынкөл 5. Денисов 6. Әулікөл 7. Қарасу 8. Алтынсарин 9. Сарыкөл 10. Қостанай 11. Таранов Қостанай қаласы Рудный қаласы
Павлодар	1. Ертіс 2. Железин 3. Қашыр
2. Қуаң дала аймағы	
Батыс Қазақстан	1. Ақжайық 2. Тасқала 3. Зеленов 4. Теректі 5. Бөрілі 6. Шыңғырлау Орал қаласы
	1. Қобда

Ақтөбе	2. Мәртөк 3. Әйтеке би 4. Қарғалы 5. Алға Ақтөбе қаласы
Қостанай	1. Қамысты 2. Наурызым 3. Жітіқара Лисаковск қаласы
Ақмола	1. Есіл 2. Атбасар 3. Қорғалжын 4. Шортанды 5. Целиноград 6. Астрахан 7. Аршалы 8. Егіндікөл 9. Жарқайың
Астана қаласы	Астана қаласы
Қарағанды	1. Нұра 2. Қарқаралы 3. Осакаров 4. Абай 5. Бұқар жырау Қарағанды қаласы Сарань қаласы Шахтинск қаласы Теміртау қаласы
Павлодар	1. Ақтоғай 2. Баянауыл 3. Лебяжье 4. Май 5. Павлодар 6. Успен 7. Шарбақты Павлодар қаласы Ақсу қаласы Екібастұз қаласы
Шығыс Қазақстан	1. Бесқарағай 2. Бородулиха 3. Зырян 4. Көкпекті
3. Шөлейтті аймақ	
Алматы	1. Қапшағай
Батыс Қазақстан	1. Бөкөйордасы 2. Жаңақала 3. Жәнібек 4. Қазталов

	5. Қаратөбе 6. Сырым
Қостанай	1. Амангелді 2. Жангелді Арқалық қаласы
Ақтөбе	1. Ойыл 2. Темір 3. Ырғыз 4. Хромтау 5. Мұғалжар
Қарағанды	1. Жаңаарқа 2. Шет 3. Ақтоғай 4. Ұлытау Жезқазған қаласы Балқаш қаласы Қаражал қаласы Приозерск қаласы Сәтбаев қаласы
Шығыс Қазақстан	1. Абай 2. Аягөз 3. Жарма Семей қаласы Курчатов қаласы
4. Шөлді аймақ	
Атырау	1. Жылыой 2. Индер 3. Исатай 4. Құрманғазы 5. Қызылқоға 6. Мақат 7. Махамбет Атырау қаласы
Қызылорда	1. Арал 2. Жалағаш 3. Жаңақорған 4. Қазалы 5. Қармақшы 6. Сырдария 7. Шиелі Қызылорда қаласы
Ақтөбе	1. Байғанин 2. Шалқар
Маңғыстау	1. Бейнеу 2. Қаракия 3. Маңғыстау 4. Түпқараған 5. Мұнайлы

	Ақтау қаласы Жаңаөзен қаласы
Оңтүстік Қазақстан	1. Созақ 2. Отырар
Жамбыл	1. Сарысу 2. Талас 3. Тұрар Рысқұлов
Алматы	1. Балқаш
5. Тау етегі-шөлді-далалық аймақ	
Алматы	1. Ақсу 2. Алакөл 3. Еңбекшіқазақ 4. Жамбыл 5. Кербұлақ 6. Көксу 7. Қаратал 8. Қарасай 9. Панфилов 10. Райымбек 11. Сарканд 12. Талғар 13. Ескелді 14. Ұйғыр 15. Іле Талдықорған қаласы Текелі қаласы
Алматы қаласы	Алматы қаласы
Жамбыл	1. Байзақ 2. Жамбыл 3. Жуалы 4. Қордай 5. Мерке 6. Мойынқұм 7. Шу Тараз қаласы
Оңтүстік Қазақстан	1. Арыс 2. Бәйдібек 3. Қазығұрт 4. Мақтаарал 5. Ордабасы 6. Сайрам 7. Сарыағаш 8. Төле би 9. Түлкібас 10. Шардара Кентау қаласы Түркістан қаласы Шымкент қаласы

Шығыс Қазақстан	1. Үржар 2. Зайсан
6. Оңтүстік Сібір таулы және тау етегі аймағы	
Шығыс Қазақстан	1. Глубокое 2. Катонқарағай 3. Шемонаиха 4. Тарбағатай 5. Күршім 6. Ұлан Өскемен қаласы Риддер қаласы

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
2-қосымша

Дала аймағындағы жеке қосалқы шаруашылықтан түсетін табысты есептеудің нормативтік карточкасы
Өсімдік шаруашылығының өнімі

Өнім	Жердің 1 соткасының орташа түсімі, кг	Жердің 1 соткасына жұмсалған шығыстың орташа деңгейі, теңге	1 кг өнімнің орташа бағасы, теңге	1 соткадан өндірілген өнімнің құны, теңге (2-бағ.х 4-бағ.)	1 сотка жерден түскен табыс (+), шығыс (-), теңге (5-бағ - 3-бағ.)
1	2	3	4	5	6
Бидай	20	268			
Арпа	25	188			
Қарамық	5	143			
Жүгері (жасыл салмағы)	100	128			
Көп жылдық шөптер	20	114			
Бір жылдық шөптер	15	83			
Картоп	80	1256			
Көкөністер	65	1069			
Бақшалар	105	483			
Шекілдеуік бақтары (алма, алмұрт және басқалары)	35	634			

Сүйекті жеміс бақтары (өрік, қара өрік және баскалары)	25	509			
Жидек дақылдары	33	946			
Жүзім	25	636			
Күнбағыс	12	220			

Мал шаруашылығының өнімі

Өнім	1 бастан алынатын орташа өнімділік, кг (л)	1 басқа жұмсалған шығыстың орташа деңгейі, теңге	1 кг өнімнің, (1 л, 10 дана жұмыртқаның) орташа бағасы, теңге	1 бастан өндірілген өнімнің құны, теңге (2-бағ. х 4-бағ.)	1 бастан түскен табыс (+), шығыс (-), теңге (5-бағ.- 3 бағ.)
1	2	3	4	5	6
Сүтті ірі қара мал (сүт)	2200	26549			
Етті ірі қара мал (сиыр еті)	179	15308			
Шошқалар (шошқа еті)	110	9425			
Қойлар, ешкілер ет/жүн	22/2,5	5800			
Жылқы (жылқы еті)	124	7446			
Түйе (түйе еті)	126	2979			
Жұмыртқалайтын құс (жұмыртқа)	2 0 0 жұмыртқа	728			
Етті құс (құс еті)	2,5	489			

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
3-қосымша

Қуаң дала аймағындағы жеке қосалқы шаруашылықтан түсетін табысты есептеудің нормативтік карточкасы

Өсімдік шаруашылығының өнімі

	Жердің	Жердің 1 соткасына		1 соткадан өндірілген	1 сотка жерден түскен
--	--------	--------------------	--	-----------------------	-----------------------

Өнім	1 соткасының орташа түсімі, кг	жұмсалған шығыстың орташа деңгейі, теңге	1 кг өнімнің орташа бағасы, теңге	өнімнің құны, теңге (2-бағ.х 4-бағ.)	табыс (+), шығыс (-), теңге (5-бағ - 3-бағ.)
1	2	3	4	5	6
Бидай	20	268			
Арпа	25	188			
Қарамық	5	150			
Жүгері (жасыл салмағы)	100	128			
Көп жылдық шөптер	15	91			
Бір жылдық шөптер	10	83			
Картоп	70	1164			
Көкөністер	80	1245			
Бақшалар	115	518			
Шекілдеуік бақтары (алма, алмұрт және басқалары)	30	583			
Сүйекті жеміс бақтары (өрік, қара өрік және басқалары)	22	514			
Ж и д е к дақылдары	23	819			
Жүзім	22	595			

Мал шаруашылығының өнімі

Өнім	1 бастан алынатын орташа өнімділік, кг (л)	1 басқа жұмсалған шығыстың орташа деңгейі, теңге	1 кг өнімнің, (1 л, 10 дана жұмыртқаның) орташа бағасы, теңге	1 бастан өндірілген өнімнің құны, теңге (2-бағ. х 4-бағ.)	1 бастан түскен табыс (+), шығыс (-), теңге (5-бағ.- 3 бағ.)
1	2	3	4	5	6
Сүтті ірі қара мал (сүт)	1900	21034			
Етті ірі қара мал (сиыр еті)	179	16435			
Шошқалар (шошқа еті)	110	9107			
Қойлар, ешкілер					

ет/жүн	22/2,5	3042			
Жылқы (жылқы еті)	124	7446			
Түйе (түйе еті)	126	2979			
Жұмыртқалайтын құс (жұмыртқа)	2 0 0 жұмыртқа	728			
Етті құс (құс еті)	2,5	489			

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
4-қосымша

Шөлейтті аймақтағы жеке қосалқы шаруашылықтан түсетін табысты есептеудің нормативтік карточкасы

Өсімдік шаруашылығының өнімі

Өнім	Жердің 1 соткасының орташа түсімі, кг	Жердің 1 соткасына жұмсалған шығыстың орташа деңгейі, теңге	1 кг өнімнің орташа бағасы, теңге	1 соткадан өндірілген өнімнің құны, теңге (2-бағ.х 4-бағ.)	1 сотка жерден түскен табыс (+), шығыс (-), теңге (5-бағ - 3-бағ.)
1	2	3	4	5	6
Бидай	10	226			
Арпа	15	174			
Қарамық	8	153			
Жүгері (жасыл салмағы)	100	128			
Көп жылдық шөптер	10	91			
Бір жылдық шөптер	10	84			
Картоп	70	1102			
Көкөністер	90	1249			
Бақшалар	85	458			
Шекілдеуік бақтары (алма, алмұрт және басқалары)	22	525			
Сүйекті жеміс бақтары (өрік, қара өрік және басқалары)	20	498			
Жидек дақылдары	10	589			
Жүзім	20	564			

Мал шаруашылығының өнімі

Өнім	1 бастан алынатын орташа өнімділік, кг (л)	1 басқа жұмсалған шығыстың орташа деңгейі, теңге	1 кг өнімнің, (1 л, 10 дана жұмыртқаның) орташа бағасы, теңге	1 бастан өндірілген өнімнің құны, теңге (2-бағ. x 4-бағ.)	1 бастан түскен табыс (+), шығыс (-), теңге (5-бағ. - 3 бағ.)
1	2	3	4	5	6
Сүтті ірі қара мал (сүт)	1100	19944			
Етті ірі қара мал (сиыр еті)	165	16016			
Шошқалар (шошқа еті)	110	8462			
Қойлар, ешкілер ет/жүн	22/2,25	1200/105			
Жылқы (жылқы еті)	138	6044			
Түйе (түйе еті)	140	2925			
Жұмыртқалайтын құс (жұмыртқа)	2 0 0	728			
Етті құс (құс еті)	2,5	489			

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
5-қосымша

Шөлді аймақтағы жеке қосалқы шаруашылықтан түсетін табысты есептеудің нормативтік карточкасы

Өсімдік шаруашылығының өнімі

Өнім	Жердің 1 соткасының орташа түсімі, кг	Жердің 1 соткасына жұмсалған шығыстың орташа деңгейі, теңге	1 кг өнімнің орташа бағасы, теңге	1 соткадан өндірілген өнімнің құны, теңге (2-бағ. x 4-бағ.)	1 сотка жерден түскен табыс (+), шығыс (-), теңге (5-бағ. - 3-бағ.)
1	2	3	4	5	6
Бидай	20	278			

Арпа	25	215			
Жүгері (жасыл салмағы)	40	295			
Көп жылдық шөптер	45	172			
Бір жылдық шөптер	25	101			
Картоп	100	1886			
Көкөністер	125	1366			
Бақшалар	120	556			
Шекілдеуік бақтары (алма, алмұрт және басқалары)	19	483			
Сүйекті жеміс бақтары (өрік, қара өрік және басқалары)	20	492			
Жидек дақылдары	10	589			
Жүзім	19	572			
Күнбағыс	8	208			

Мал шаруашылығының өнім

Өнім	1 бастан алынатын орташа өнімділік, кг (л)	1 басқа жұмсалған шығыстың орташа деңгейі, теңге	1 кг өнімнің, (1 л, 10 дана жұмыртқаның) орташа бағасы, теңге	1 бастан өндірілген өнімнің құны, теңге (2-бағ. х 4-бағ.)	1 бастан түскен табыс (+), шығыс (-), теңге (5-бағ.- 3 бағ.)
1	2	3	4	5	6
Сүтті ірі қара мал (сүт)	880	17255			
Етті ірі қара мал (сиыр еті)	138	15924			
Шошқалар (шошқа еті)	110	8973			
Қойлар, ешкілер ет/жүн	18/1,0	1696			
Жылқы (жылқы еті)	138	5979			
Түйе (түйе еті)	154	2925			
Жұмыртқалайтын құс (жұмыртқа)	2 0 0 жұмыртқа	728			
Етті құс (құс еті)	2,5	489			

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық

Тау етегі-шөлді-далалық аймақтағы жеке қосалқы шаруашылықтан түсетін табысты есептеудің нормативтік карточкасы
Өсімдік шаруашылығының өнімі

Өнім	Жердің 1 соткасының орташа түсімі, кг	Жердің 1 соткасына жұмсалған шығыстың орташа деңгейі, теңге	1 кг өнімнің орташа бағасы, теңге	1 соткадан өндірілген өнімнің кұны, теңге (2-бағ.х 4- бағ.)	1 сотка жерден түскен табыс (+) , шығыс (- , теңге (5-бағ - 3- бағ.)
1	2	3	4	5	6
Бидай	20	293			
Арпа	25	234			
Қарамық	10	258			
Жүгері (дәні)	40	295			
Жүгері (жасыл салмағы)	160	235			
Күріш	40	886			
Қант қызылшасы	200	525			
Темекі	18	1537			
Қоза	30	853			
Көп жылдық шөптер	45	181			
Бір жылдық шөптер	25	101			
Картоп	120	2324			
Көкөністер	145	1442			
Бақшалар	105	488			
Шекілдеуік бақтары (алма, алмұрт және басқалары)	40	798			
Сүйекті жеміс бақтары (өрік, қара өрік және басқалары)	35	664			
Жидек дақылдары	30	980			
Жүзім	40	786			
Күнбағыс	16	277			

Мал шаруашылығының өнімі

	1 бастан алынатын	1 басқа жұмсалған шығыстың	1 кг өнімнің,	1 бастан өндірілген	1 бастан түскен
--	----------------------	----------------------------------	---------------	------------------------	-----------------

Өнім	орташа өнімділік, кг (л)	орташа деңгейі, теңге	(1 л, 10 дана жұмыртқаның) орташа бағасы, теңге	өнімнің құны, теңге (2-бағ. х 4-бағ.)	табыс (+), шығыс (-), теңге (5-бағ.- 3 бағ.)
1	2	3	4	5	6
Сүтті ірі қара мал (сүт)	2500	20168			
Етті ірі қара мал (сиыр еті)	179	14047			
Шошқалар (шошқа еті)	110	8138			
Қойлар, ешкілер ет/жүн	20/3,5	2318			
Жылқы (жылқы еті)	151	5795			
Түйе (түйе еті)	126	2959			
Жұмыртқалайтын құс (жұмыртқа)	2 0 0 жұмыртқа	728			
Етті құс (құс еті)	2,5	489			

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
7-қосымша

Оңтүстік Сібір таулы және тау етегі аймағындағы жеке қосалқы шаруашылықтан түсетін табысты есептеудің нормативтік карточкасы

Өсімдік шаруашылығының өнімі

Өнім	Жердің 1 соткасының орташа түсімі, кг	Жердің 1 соткасына жұмсалған шығыстың орташа деңгейі, теңге	1 кг өнімнің орташа бағасы, теңге	1 соткадан өндірілген өнімнің құны, теңге (2-бағ.х 4-бағ.)	1 сотка жерден түскен табыс (+), шығыс (-), теңге (5-бағ - 3-бағ.)
1	2	3	4	5	6
Бидай	15	272			
Арпа	20	218			
Қарамық	10	258			
Жүгері (жасыл салмағы)	100	131			
Көп жылдық шөптер	20	91			
Бір жылдық шөптер	12	66			

Картоп	90	1746			
Көкөністер	90	1173			
Бақшалар	105	483			
Шекілдеуік бақтары (алма, алмұрт және басқалары)	16	432			
Сүйекті жеміс бақтары (өрік, қара өрік және басқалары)	15	484			
Жидек дақылдары	15	994			
Жүзім	34	662			
Күнбағыс	12	218			

Мал шаруашылығының өнімі

Өнім	1 бастан алынатын орташа өнімділік, кг (л)	1 басқа жұмсалған шығыстың орташа деңгейі, теңге	1 кг өнімнің, (1 л, 10 дана жұмыртқаның) орташа бағасы, теңге	1 бастан өндірілген өнімнің құны, теңге (2-бағ. х 4-бағ.)	1 бастан түскен табыс (+), шығыс (-), теңге (5-бағ.- 3 бағ.)
1	2	3	4	5	6
Сүтті ірі қара мал (сүт)	1900	19424			
Етті ірі қара мал (сиыр еті)	165	14231			
Шошқалар (шошқа еті)	110	8973			
Қойлар, ешкілер ет/жүн	20/2,0	2152			
Жылқы (жылқы еті)	151	5563			
Түйе (түйе еті)	126	2959			
Жұмыртқалайтын құс (жұмыртқа)	2 0 0 жұмыртқа	728			
Етті құс (құс еті)	2,5	489			

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
8-қосымша

Азық-түліктік пайдаланылатын үй малдары мен құстарының жасы

Малдардың түрі	Өлшем бірлігі	Өнім беру жағдайына жеткен мал төлінің және құстардың жасы
Ірі кара мал	ай	25
Қойлар мен ешкілер	ай	12
Шошқалар	ай	10
Жылқылар	ай	16
Түйелер	ай	18
Жұмыртқалайтын құс	күн	195
Етті құс	күн	125

Тұрғын үй көмегін алуға, сондай-ақ мемлекеттік тұрғын үй қорынан тұрғын үйді немесе жеке тұрғын үй қорынан жергілікті атқарушы орган жалдаған тұрғын үйді алуға үміткер отбасының (азаматтың) жиынтық табысын есептеу қағидасына
9-қосымша

Жеке қосалқы шаруашылығынан түсетін табыс есебінің үлгі жеке нормативтік карточкасы

— (өтініш берушінің аты-жөні)

— (облыс, аудан)

— (үйінің мекенжайы)

Ауыл шаруашылығы дақылдарының, үй малдарының, құстарының түрлері	жер, сотка, мал басы, саны	жылына түсетін табыс нормативі, теңге	жылына түсетін табыстың барлығы, теңге	б і р тоқсанда түсетін табыстың барлығы, теңге
Бидай				
Арпа				
Дәні алынатын жүгері				
Күріш				
Қарамық				
Картоп				
Көкөністер				

Бақшалар				
Күнбағыс				
Қант қызылшасы				
Темекі				
Шекілдеуік бақтары				
Сүйекті жеміс бақтары				
Жемістер				
Жүзім				
Көп жылдық шөп				
Бір жылдық шөп				
Жасыл жемге берілетін жүгері				
Сүтті ірі қара мал				
Етті ірі қара мал				
Шошқалар				
Қойлар мен ешкілер				
Жылқылар				
Түйелер				
Жұмыртқалайтын құс				
Етті құс				
Жиыны: бір жылғы табыс				
Жиыны: бір тоқсандағы табыс				

20__ ж. “_____” _____
(өтініш берушінің қолы)

(есепті жасаған адамның Т.А.Ә. және қолы)